

300, Radom (Smol. Radyń, n. Raden) z wok. 100, Gózdá z nímale 250 a Carna (n. Zschorno) z 273 wobydlerjemi. Rjašeań ma jara staru cyrkej z 12. stolěca, kiž bě z woprědka jenož kapala poswjećena Sw. Valtyněj. Po swědčěnjú Rjašeańskeho fararja Müllera móže w Rjašeańju 4—5, w Jarješku 4—5, w Radomju 1 a w Gózdze 10 abo něšto wjacy cyle starych ludźi hišće serbski, mjez tym zo je w Carnej z najmjeńša třecina wobydlerstwa hišće serbska. Tež w tutej wosadze dostawaju hišće někotři stari ludžo podpjeru z Budarjoweho wustawa. Je pak tu, štož mi k. faraf dale zdžěli, w němskej rěči wjele serbskich słowow zawostało, n. př. pojedank (Frühstücksschnitte), hóppaj (Tragwiege, wisaca kolebka, w kotrejž ludžo na polach małe džěci kolebaju), kriwatsch (křiwač t. j. práslica, Rockenstock) atd., a přede všěm starši ludžo nałožuja w swojej rěči wjele serbskich wurazow a husto serbske konstrukcije, kiž su so do jich němčiny zasydliłe. Serbske bože služby su tu w započatku tutoho stolěca zašle; předposlědni faraf John, kiž w l. 1823 swoje zastojństwo nastupi, njeběše wjacy serbskeje rěče mócný. Faraf Theod. Traug. Pohle († 1797) je hišće serbski móhl a wězo swojim wosadnym tež hišće w maćérnej rěči Bože słowo připowědał, kaž to w starej sakskej cyrkwinskej agendze, kotraž so hišće džensniši džěn w tamnych stronach nałožuje, rukopisny serbski přiwisk dopokazuje, hdžež je sebi wón (na 8 stronach) cyrkwine požohnowanje a dvě požohnowani za njedzelnice serbski zapisał; tola w kajkej měrje je so tam tehdy hišće serbska rěč w cyrkwi trjebała, njehodžeše so mi wuslědzić. — W Gózdze pak nazhonich, zo je tam wokoło 30 ludźi, kiž hišće serbski rozumja a při składnosći powědaju, mjez nimi su tež někotři młodzi ludžo, kotřiž su ze serbskich stronow pričahli. Jedyn 35 lět stary muž, tam rodzeny, kotrehož zetskach, praješe mi, zo drje serbski rozumi, ale powědać njemóže. — W Carnej rěči jenož 11 ludźi hišće stajnje serbski.

XXX. Dubrawska wosada.

K tutej wosadze slušuju: Dubrawka (Dubrauke), hdžež je cyrkej, z wokoło 300, Čeřsk abo Ceřsk (Tschernitz) z wokoło 500, Čisej abo Šisej (Wolfshain) z wokoło 120 wobydlerjemi a nowa němska škleńčěrniska kolonija Friedrichshain; tež w Ceřsku